



დამტკიცებულია  
დირექტორის ბრძ. N01-18; 18.06.2020წ.

ცვლილება  
დირექტორის ბრძ. N01-01; 8.01.2021წ.

### დისტანციური სწავლების ინსტრუქცია

აღნიშნული ინსტრუქცია განკუთვნილია შპს ინტერბიზნესის აკადემიაში ფორს-მაჟორულ სიტუაციებში პროფესიული სწავლების თეორიული კომპონენტის დისტანციურად განხორციელების მეთოდების, ფორმების, სწავლების განხორციელების მტკიცებულებების მოპოვების და მისი ეფექტიანობისათვის საჭირო ხარისხის უზრუნველყოფის მექანიზმების/შეფასების წარმართვისათვის.

დისტანციური სწავლება არის სწავლების ფორმა, რომელიც შექმნილია სპეციალურად სტუდენტისთვის ან სტუდენტთა ჯგუფისთვის, რომლებიც ტრადიციულ აუდიტორიაში ფიზიკურად არ იმყოფებიან. ეს არის "პროცესი, რომელიც ქმნის და ხელმისაწვდომს ხდის სწავლას, როდესაც ინფორმაციის წყარო და მიმღები ერთმანეთისგან დროით, სივრცით ან ორივე შემთხვევაში დაშორებულნი არიან."

დისტანციური სწავლების გამოყენების შესახებ გადაწყვეტილება და შედეგების დადასტურების ფორმა განისაზღვრება დირექტორის ბრძანებით;

პროფესიული საგანმანათლებლო პროგრამებისთვის დისტანციური სწავლება უნდა უზრუნველყოფდეს სწავლის შედეგებზე გასვლას;

დისტანციური სწავლება შესაძლებელია შერეული/ჰიბრიდული ფორმით, რომელიც მიზნად ისახავს როგორც დისტანციური სწავლების, ასევე პირისპირ სწავლების კომბინაციის გამოყენებას.

დისტანციური სწავლების დაწყების შესახებ პროფესიული განათლების მასწავლებელთა და პროფესიულ სტუდენტთა ინფორმირება ხდება წინასწარ. წინასწარ ხდება პროფესიულ სტუდენტთა კვლევა დისტანციურ სწავლებაში ჩართვის თანხმობის თაობაზე.

იმ შემთხვევაში, თუ პროფესიული სტუდენტი ტექნიკური პრობლემების გამო არ/ვერ შეძლებს ჩართვას დაწესებულების მიერ შეთავაზებული სპეციალური ელექტრონული პლატფორმის მეშვეობით დისტანციური სწავლების პროცესში აკადემია ვალდებულია, უზრუნველყოფს პროფესიული სტუდენტისათვის სასწავლო გეგმით განსაზღვრული დავალებების მიცემას, კონსულტირებას. ამ მიზნის მისაღწევად აკადემია/პროფესიული განათლების მასწავლებელი გამოიყენებს კომუნიკაციის სხვადასხვა ფორმას, მათ შორის, სატელეფონო კომუნიკაციას. პროფესიული სტუდენტი/კანონიერი წარმომადგენელი ვალდებულია, ითანამშრომლოს კოლეჯის ადმინისტრაციასთან, პროფესიული განათლების მასწავლებელთან;

სპეციალური საგანმანათლებლო საჭიროების მქონე სტუდენტს/ მშობელს/კანონიერ წარმომადგენელს, სტუდენტის ინდივიდუალური სასწავლო გეგმის შესაბამისად, სისტემატური

## შპს ინტერბიზნესის აკადემია

კომუნიკაციის ფარგლებში, რეკომენდაცია გაუწიონ სახლის პირობებში მეცადინეობის, საგანმანათლებლო და განმავითარებელი რესურსების გამოყენების შესახებ და მიიღონ უკუკავშირი;

აკადემია დისტანციური სწავლების ორგანიზებისათვის ირჩევს მაიკროსოფტის პროდუქტს Zoom- პროგრამას, რომელიც აერთიანებს მიმოწერას, შეხვედრებს, ფაილების გაცვლის სერვისებსა და სხვა აპლიკაციებს, საშუალებას იძლევა მოვაწყოთ ვირტუალური აუდიტორიები, გვექონდეს ეფექტური კომუნიკაცია პროფესიულ სტუდენტებთან და პროფესიულ მასწავლებლებთან და ჩავატაროთ დისტანციური ინტერაქტიული ლექციები. Zoom- პროგრამა, იძლევა საშუალებას, პროფესიულ სტუდენტებსა და მასწავლებლებს ჰქონდეთ პირადი სამუშაო სივრცე, სადაც შესაძლებელია დავალებებისა და დამატებითი სასწავლო რესურსების ატვირთვა; პროფესიულ მასწავლებლებს შესაძლებლობა ეძლევათ, პროგრამა form-ში შექმნან მოსწავლეების ტესტირებისთვის დახურული და ღია ტიპის კითხვები. ციფრული საკლასო დაფა.

საჭიროების შემთხვევაში ასევე შესაძლებელია დაწესებულებაში ადმინისტრაციის საქმიანობა განხორციელდეს დისტანციურად, ადმინისტრაციული წარმოებისათვის საქართველოს კანონმდებლობით დადგენილი წესების დაცვით, დაწესებულებაში დასაქმებული პირები გადაყვანილ იქნებიან დისტანციური მუშაობის რეჟიმზე, გარდა იმ შემთხვევისა, როდესაც კონკრეტული პოზიციის/თანამდებობის პირის დაწესებულების ტერიტორიაზე ყოფნა/გამოცხადება დაკავშირებულია ამ პოზიციის/თანამდებობის სპეციფიკასთან. ამ პირ(ებ)ის მიერ საქმიანობა ხორციელდება საქართველოს მთავრობისა და საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს შესაბამისი მითითებების/რეკომენდაციების დაცვით.

### ხარისხის უზრუნველყოფა დისტანციური სწავლებისას

#### ელექტრონული პლატფორმა ექვემდებარება მონიტორინგს

სასწავლო პროცესის მიმდინარეობის მონიტორინგის მიზნით, სასწავლო პროცესის მართვის სამსახური ყოველდღიურად ამოწმებს პროფესიული მასწავლებლების მიერ აკადემიის მეილზე გადმოგზავნილ ლექციის ლინკს და დასწრების აღრიცხვას, დისტანციური სწავლებით მიმდინარე ყველა საგანმანათლებლო პროგრამისათვის შექმნილ ჯგუფში ჩართული იქნება მონიტორინგის ჯგუფი. მონიტორინგის ჯგუფის წევრებს, ლექციის მსვლელობის ხარისხის შესაფასებლად, უფლება აქვს ნებისმიერ დროს ჩაერთოს ლექციაში.

პერიოდულად განხორციელოს პროფესიულ სტუდენტთა და მასწავლებელთა კმაყოფილების კვლევა დისტანციური სწავლებასთან დაკავშირებით.

დისტანციური სწავლების პროცესში ჩართული პერსონალის დახმარებას, გადამზადებას, მასალების ატვირთვის კონტროლს ახორციელებს სასწავლო პროცესის მართვის და ხარისხის მართვის სამსახური.

### ინსტრუქცია პროფესიული მასწავლებლებისათვის

პროფესიული განათლების მასწავლებლისაღიქციო მასალის მიწოდებას ახორციელებს ასინქრონული ან სინქრონული მეთოდით. მოდულის სპეციფიკიდან გამომდინარე, მასწავლებელი უფლებამოსილია თავად განსაზღვროს მეთოდი;

ონლაინ ლექციაზე დაგჭირდებათ კამერა და მიკროფონი, სტაბილური ინტერნეტ-კავშირი. ლექციის დაწყებამდე შეამოწმეთ კამერა და მიკროფონი ტექნიკური ხარვეზის თავიდან აცილების მიზნით; სუსტმა ინტერნეტ-კავშირმა შესაძლოა ხელი შეგიშალოთ გამოსახულების დანახვაში ან მოსმენისას.

სწავლის შედეგების დადასტურება უნდა განხორციელდეს აკადემიის ტერიტორიაზე. იმ შემთხვევაში, თუ არსებობს ფორს-მაჟორული ვითარება, სტუდენტს აქვს შეზღუდული შესაძლებლობები ან არსებობს დირექტორის ბრძანებით განსაზღვრული სხვა საფუძველი, შესაძლებელია სტუდენტმა დისტანციურად დაადასტუროს სწავლის შედეგ(ებ)ი;

#### პროფესიული მასწავლებელი ვალდებულია:

- მოახდინოს ვიდეო-ლექციის ჩაწერა;
- ყოველი ლექციის დაწყებამდე პროფესიულ სტუდენტებს აცნობოს, რომ ხორციელდება დასწრების აღრიცხვა დავიდეო-ლექციის ჩაწერა, ლექციის ჩატარების დადასტურების მიზნით;
- ყოველი ლექციის დასრულების შემდეგ ვიდეო-ლექცია შეინახოს და მიაწოდოს აკადემიას;
- შედეგის დისტანციურად დადასტურების საჭიროების შემთხვევაში, გააკონტროლოს შეფასების მიმდინარეობა, პრაქტიკული დავალების შემთხვევაში გასწორება და აკადემიაში უწყისის დროულად წარმოდგენა.<sup>1</sup>

### ინსტრუქცია პროფესიული სტუდენტებისათვის

დისტანციური სწავლების პროცესში სტუდენტთა ჩართვა ხდება დადგენილი და წინასწარ ცნობილი სასწავლო გრაფიკის შესაბამისად

კოლეჯი უზრუნველყოფს ყველა სტუდენტისათვის დადგენილი ცხრილის მიხედვით ჩართვის ლინკის მიწოდებას.

ონლაინ ლექციაზე დაგჭირდებათ კამერა და მიკროფონი, სტაბილური ინტერნეტ-კავშირი. ლექციის დაწყებამდე შეამოწმეთ კამერა და მიკროფონი ტექნიკური ხარვეზის თავიდან აცილების მიზნით; სუსტმა ინტერნეტ-კავშირმა შესაძლოა ხელი შეგიშალოთ გამოსახულების დანახვაში ან მოსმენისას.

გაითვალისწინეთ, როდესაც იყენებთ ონლაინ მეცადინეობის პლატფორმას, გახსოვდეთ, რომ ეს გახლავთ ვირტუალური აუდიტორია/საღიქციო ოთახი და უნდა მოიქცეთ ისე, როგორც ჩვეულებრივ აუდიტორიაში. შეარჩიეთ სასწავლო გარემო, სადაც სხვა ადამიანების ხმაური არ შეგიშლით ხელს ლექციის მსვლელობაში.

#### პროფესიული სტუდენტი ვალდებულია:

- არ დააგვიანოს ვირტუალურ აუდიტორიაში შესვლა;

<sup>1</sup> ცვლილება ბრძ. N01-01; 8.01.2021წ.

- არ მოიწვიოს სხვა პირის ლექციაზე დასასწრებად;
- დაიცვას დისკუსიის წესები (ჩატში მიიწეროს კითხვა ან/და დააფიქსიროს დისკუსიაში ჩართვის სურვილი);
- მიკროფონი ქონდეს გამორთულ მდგომარეობაში, გამოიყენოს მხოლოდ პროფესიული მასწავლებლის ნებართვით;
- შედეგის დისტანციურად დასადასტურების პროცესში წარმოქმნილი პრობლემის შესახებ, რომელიც შეიძლება გახანგრძლივდეს შედეგის დადასტურების დასრულებამდე (დენის გათიშვა, ინტერნეტის გათიშვა) დაუყოვნებლივ აცნობის პროფესიულ მასწავლებელს, განმეორებითი დადასტურების დანიშვნის მიზნით<sup>2</sup>.

**მითითება:** ვთხოვთ არ აწარმოთ ფოტო გადაღება და ვიდეო/ხმა ჩაწერა და არ გამოაქვეყნოთ ინტერნეტ-სივრცეში ფოტო, ვიდეო დაუკითხავად, ვინაიდან ონლაინ შეხვედრების, ონლაინ-სწავლების ამსახველი მასალა (ფოტო, ვიდეო გამოსახულება) წარმოადგენს პირის პერსონალურ მონაცემებს, გამოიყენება მხოლოდ მტკიცებულებად, რაც უნდა იქნეს გათვალისწინებული მათი გასაჯაროებისას.

### ინსტრუქცია დისტანციურად დასადასტურებელი სწავლის შედეგ(ებ)ისათვის<sup>3</sup>

ფორს-მაჟორული სიტუაციაში ან/და თუ პროფესიულ სტუდენტს აქვს შეზღუდული შესაძლებლობები ან /და არსებობს დირექტორის ბრძანებით განსაზღვრული სხვა საფუძველი, შესაძლებელია პოფესიულმა სტუდენტმა დისტანციურად დაადასტუროს სწავლის შედეგ(ებ)ი;

სწავლის შედეგების დისტანციურად დასადასტურებლად აკადემიას შესყიდული აქვს და გამოიყენებს <https://testmoz.com/> პლატფორმას, რომელიც იძლევა სწავლის შედეგის დადასტურების, პროფესიული სტუდენტისათვის საკუთარი შედეგის კონფიდენციალურობის დაცვით გაცნობის, ასევე გამჭირვალობის და სამართლიანობის დაცვის საშუალებას.

სწავლის შედეგის დადასტურებამდე პროფესიულ სტუდენტებს გადაეგზავნებათ შეფასების ინსტრუმენტი ტესტის/პრაქტიკული დავალების გარეშე და გასაცნობათ მიეცემათ 5 წუთი. შემდეგ გადაეგზავნებათ ლინკი რომლის მეშვეობითაც შეძლებენ პროგრამაში შესვლას და ტესტის/პრაქტიკული დავალების გახსნას, განსაზღვრული დროის ამოწურვის შემდეგ პროფესიულ სტუდენტს აღარ ექნება საშუალება ლინკის გახსნის ან/და ტესტის დასრულების, შედეგები აისახება მომენტალურად და პროფესიული სტუდენტი შეძლებს გაიგოს დაადასტურა თუ არა სწავლის შედეგი, ამასთან გაიგებს რომელ კითხვაში დაუშვა შეცდომა, თუმცა არ ეცოდინება სწორი პასუხი.

პლატფორმა საშუალებას იძლევა პროფესიულ სტუდენტებს ტესტები მიეწოდოს სხვადასხვა ნუმერაციით რაც გამორიცხავს გადაწერის და კარნახის შესაძლებლობას, ასევე განმეორებით დადასტურებაზე გასვლის შემთხვევაში აირევა ტესტის დისტრაქტორები და ნუმერაცია, აუცილებლობის შემთხვევაში კი შეიცვლება ტესტებიც.

<sup>2</sup> ცვლილება ბრძ. N01-01; 8.01.2021წ.

<sup>3</sup> ცვლილება ბრძ. N01-01; 8.01.2021წ.

რამოდენიმე შედეგის ერთდროულად დადასტურების შემთხვევაში პროფესიულ სტუდენტებს განესაზღვრებათ თითოეული შედეგისთვის დადასტურების დრო და თითოეული შედეგისთვის გადაეგზავნებათ სხვადასხვა ლინკი.

დისტანციურად დადასტურებული შედეგების დამადასტურებელი მტკიცებულება ინახება როგორც პლატფორმაზე, ასევე CD დისკზე, რომელიც განთავსდება მოდულისთვის განკუთვნილ ბაინდერში, შეფასების ინსტრუმენტის შეთანხმებულ ვერსიასთან და შეფასების უწყისთან ერთად.

### **ადმინისტრაცია დისტანციური სწავლებისას**

აკადემიის ადმინისტრაცია უზრუნველყოფს პროფესიულ სტუდენტებს ონლაინ პლატფორმის გამოყენების ინსტრუქციით;

დისტანციური სწავლების პროცესში, აკადემია ვალდებულია უზრუნველყოს საბიბლიოთეკო რესურსებზე სტუდენტთა შეუფერხებელი წვდომა დისტანციურად, რაც გულისხმობს ბექდური წინგების მიწოდებას მასწავლებელთათვის და დისტანციური წიგნების ატვირთვას ჯგუფებში (ამ მიზნით აკადემიის ვებ-გვერდზე ატვირთულია ღია სასწავლო რესურსი რომლის გამოყენება შეუძლია ნებისმიერ პირს).

აკადემიის ადმინისტრაცია უზრუნველყოფს სწავლების პროცესის დაგეგმვაში და განხორციელებაში ჩართული პერსონალის გადამზადებას და ყველა ტექნიკური საშუალებით აღჭურვას, რაც საჭიროა მიმდინარე პერიოდში დაგეგმილი დისტანციური სწავლების ეფექტიანად განხორციელებისათვის.

დისტანციური სწავლების მეთოდი, რაც ხორციელდება სასწავლო პროცესში, უნდა აისახოს შესაბამის მოდულებში დირექტორის ბრძანების საფუძველზე.

აკადემია ვალდებულია, საჭიროების შემთხვევაში, სსიპ – განათლების ხარისხის განვითარების ეროვნულ ცენტრს წერილობითი ფორმით მიაწოდოს ინფორმაცია სასწავლო პროცესის დისტანციური/ელექტრონული ფორმით ან კომუნიკაციის სხვა საშუალებების გამოყენებით განხორციელების, მათ შორის, კურიკულუმის დაგეგმვის, სასწავლო პროცესის ორგანიზებისა და ადმინისტრირებისთვის საჭირო მიდგომებისა და მეთოდების გამოყენების თაობაზე.

ინსტრუქციაში ცვლილებების და დამატებების შეტანა შესაძლებელია დირექტორის ბრძანებით.